



Årsrapport for Folkehelseavdelinga 2018



Innhold

1. Innleiing	3
2. Organisasjonskart Flora kommune	4
3. Økonomi	5
4. Kompetanse	6
5. Miljøretta helsevern.....	6
5.1 Skular og barnehagar	6
5.2 Inneklima	7
5.3 Hud og fotpleie, frisør, holtaking, piercing og tatovering	7
5.4 Badeanlegg, boblebad og badstu	7
5.5 Radon	8
5.6 Asylmottak	8
5.7 Forureining og støy.	8
5.8 Solarier	9
5.9 Kjøletårn etc, Legionella	9
5.10 Campingplassar	10
6. Smittevern	10
6.1 Tuberkulosekontrollprogram	10
6.2 Pandemiplan	10
7. Folkehelse/samfunnsmedisin.....	10
8. Plan for 2019	12

1. Innleiing

Lov om folkehelse set strengare krav til det førebyggjande helsearbeidet i kommunane. Føremålet med lova er å bidra til ei samfunnsutvikling som fremjar folkehelse og utjamnar sosiale helseforskjellar. Folkehelsearbeidet skal fremje befolkninga si helse, trivsel, gode sosiale og miljømessige forhold og bidra til å førebygge psykisk og somatisk sjukdom, skade eller liding. Lova skal sikre at kommunar, fylkeskommunar og statlege helsemynde set i verk tiltak og samordnar si verksemd i folkehelsearbeidet på ein forsvarleg måte. Lova skal legge til rette for eit langsiktig og systematisk folkehelsearbeid.

Flora kommune har frå 01.01.13 vore vertskommune for eit interkommunalt samarbeid om miljøretta helsevern, smittevern og samfunnsmedisinsk rådgjeving/folkehelse. Arbeidet vert utført av Folkehelseavdelinga i rådmannen sin stab i Flora kommune og har kontor plass på Rådhuset i Florø.

Samarbeidet skal bidra til å oppfylle kommunane sitt ansvar til innbyggjarane i høve miljøretta helsevern, smittevern og førebyggjande samfunnsmedisinsk rådgjeving/folkehelse.

Folkehelseavdelinga har hatt ansvar for 11 kommunar i 2018. Jølster og Selje kommune har frå 01.01.19 valt å gå utav samarbeidet.


På rådmannsmøte november 2018 vart problemstillingar knytt til det framtidige folkehelsesamarbeidet og kommunesamanslåingar diskutert. Endring i kommunestørrelse og tal kommunar vil gje utslag på kostnadane for den enkelte kommune frå 2020, det må difor gjerast avklaringar i høve kostnadsfordelinga vidare. Personalkabalen i avdelinga kan òg verte råka av eventuelle endringar. Det er difor naudsynt med ein snarleg avklaring om dette.

Flora kommune vil takke for godt samarbeid med alle kommunane.

Florø 4.mars 2019

Elisabeth Solheim
Leiar Folkehelseavdelinga

2. Organisasjonskart Flora kommune



Folkehelseavdelinga er organisert i Kvalitet og utvikling i rådmannen sin stab.

3. Økonomi

I tabellen viser vi årsresultat for avdelinga i 2018, som viser eit underskot på kr 197000,-. Underskotet vert dekkja av ei bunde driftsfond for å balansere rekneskapet.

		Buds(end)	Regnskap
		2018	2018
Tenester:	131050 Interkom. Folkehelseavd.		
10101	Fast løn til fast tilsette	2880	2797
10901	PENSJONSINNSKOT KLP	427	301
10902	PENSJONSINNSKOT SYKEPLEIERE	0	83
10991	ARBEIDSGJEVARAVGIFT	466	450
11015	ABONNEMENT(AVISER/FAGTIDSKRIFT)	0	1
11160	SERVERING VED MØTER OG UTVAL M.V.	0	0
11180	MATSERVERING VED KURS/OPPLÆRING	0	6
11215	HOTELLOPPHALD(UTANOM KURS/OPPLÆRING)	0	10
11216	Konferanseavgift	0	4
11291	VELFERDSTILTAK	0	1
11298	Internadministrative kostnader	0	240
11304	TELEFONUTGIFTER MOBILTELEFONAR	0	6
11351	ETABLERING/BRUK AV INTERNETT	0	1
11501	Opplæring, kurs	0	12
11505	KURSAVGIFTER/HOTELLOPPHALD	100	6
11605	REISE, DIETT OG BILGODTGTJ. TILSETTE	100	41
11770	REISEUTGIFTER(IKKJE OPPG.PL)	0	37
11910	LEIGE MØTELOKALER	0	1
11965	LISENSER/innkjøp av og oppgradering av dataprogram	0	1
11990	KONTINGENTAR	0	1
12003	EDB-UTSTYR	0	12
12009	ANNA UTSTYR/INVENTAR	0	4
12062	AVISER/FAGTIDSKR TIL BIBLIOTEK	0	1
14291	Moms generell komp.ordning	0	10
15501	AVSETNINGER TIL BUNDNE FOND	0	200
	Sum utgifter	3973	4226
16901	INNTEKTER AV FORDELTE UTGIFTER	-500	-541
17102	REFUSJON SJUKEPENGAR	0	-7
17501	REF. FRÅ KOMMUNAR	-3473	-3401
19501	BRUK AV BUNDNE FOND	0	-80
	Sum inntekter	-3973	-4029
	Sum tenester: 131050 Interkom. Folkehelseavd.	0	197

4. Kompetanse

Folkehelseavdelinga har i 2018 hatt 3,4 årsverk fordelt på 5 personar..

Avdelinga har brei samansett kompetanse. To sjukepleiarar, ein med vidareutdanning som helsesøster, og ein er intensivsjukepleiar og har ein mastergrad i sjukepleievitskap. Avdelinga har ein bioingeniør og her er rettleiingskompetanse . Avdelinga har to legar med kompetanse i allmenntmedisin og ein spesialist i samfunnsmedisin. Ein lege var tilbake som spesialist i allmenntmedisin i 2018 etter eitt års utdanningspermisjon, og er no under utdanning som spesialist i samfunnsmedisin. Tre tilsette arbeider i andre kommunale stillingar, dette berikar vårt fagmiljø. Vi ser at samansettinga i avdelinga dekker det nødvendige innanfor vårt ansvarsområde.

5. Miljøretta helsevern

Miljøretta helsevern omfattar dei faktorar i miljøet som til ei kvar tid direkte eller indirekte kan ha innverknad på helse. Desse omfattar mellom anna biologiske, kjemiske, fysiske og sosiale miljøfaktorar.

Arbeidet til Folkehelseavdelinga omfattar tilsyn med faktorar i miljøet som kan ha innverknad på helse. Dette gjeld både private og offentlege verksemdar og omfattar støy, inneklimate, luftkvalitet, stråling, forureining samt førebygging av ulukker og skader.

Folkehelseavdelinga er eit forvaltningsorgan som har fått delegert mynde til å føre tilsyn og fatte vedtak om retting etter ei rekke føreskrifter. I tillegg til sakshandsaming av enkeltsaker arbeider vi med informasjon og rådgjeving knytt til alle felt innan miljøretta helsevern.

Folkehelseavdelinga har behandla fleire kommunedelplanar og reguleringsplanar enn tidlegare år. Avdelinga har òg delteke i møter kor plansaker vert diskutert og behandla. Det er likevel slik at enkelte kommunar nyttar seg meir av vår kompetanse på området enn andre. På våre årlege møter med kommuneleiinga har avdelinga informert konkret om korleis dette samarbeidet kan føregå. Dette har òg vore tema på rådmannsmøta. Vi har utfordra kommunane om å invitere oss inn til faste møter for å bli tidleg orientert og såleis involvert i saksbehandling i planoppstartsfasen. Vi har òg gjeve uttale på høyringar. Vi har gjeve uttale i plansaker i Vågsøy, Høyanger, Førde, Stryn og Flora kommune.

5.1 Skular og barnehagar

Alle skular og barnehagar har hatt tilsyn etter føreskrift om miljøretta helsevern i perioden frå 2013-2015, med oppfølging i 2016 og 2017. Dei fleste skulane og barnehagane fekk godkjenning etter første tilsynsrunde. Der er nokre få einingar som ikkje er godkjende, desse er fulgt tett opp undervegs. Avdelinga er starta på ny tilsynsrunde i 2018 og har i år hatt tilsyn i Bremanger, Askvoll, Fjaler og Førde kommune. I denne tilsynsrunden inviterte vi kommunane til sjølv å komme med innspel på område ein ynskter fokus på. Målet var å følgje opp dette temaet i førekant av tilsynsmøta eller i fagmøter i etterkant. Avdelinga ynskjer å halde fram med å følgje opp arbeidet med forbetningsarbeid ute i kommunane. Det har òg vore tydeleggjort for

skule- og barnehageleinga i møter i førekant av tilsyna at avdelinga vil stille strengare krav til tilbakemelding og fristar enn ved førre tilsynsrunde.

Etter gjennomført tilsyn og godkjenning av skular og barnehager får kommunane tilsendt tilstandsrapport. Rapporten er ei fagleg vurdering av uteområdet og bygga si fysiske utforming/inneklima utifrå krav i føreskrift om miljøretta helsevern. Rapporten er tenkt som ei hjelp til administrasjon og politikarar i høve prioriteringar av nødvendig større vedlikehald og rehabilitering, evt nybygg. Selje kommune gjekk ut av samarbeidet frå 1.1.2019 og får tilsendt sluttrapport i 2019. Stryn og Vågsøy får tilsendt rapport når saksbehandlinga er avslutta på alle einingane.

Samarbeidet med skular og barnehager har fungert godt og vi opplev å verte tekne godt imot ute i kommunane. Fleire skule- og barnehageleiarar tek kontakt per telefon eller e-post for å be om faglege råd og rettleiing i førekant og etterkant av godkjenningsrunden og når nye problemstillingar kjem opp. Skular og barnehagar tek i større grad kontakt med oss når ein planlegg rehabilitering eller ombygging/nybygg enn tidlegare. Folkehelseavdelinga skal involverast i planarbeid og gje uttale og godkjenning i høve dette.

5.2 Inneklima

Avdeling gjev råd og rettleiing om innemiljøproblem knytt til fukt, varme, ventilasjon, lysforhold og materialbruk. Vi har tilsyn med røykebestemmelsar i bygg og serveringsstader som er offentleg tilgjengeleg. Inneklima har stor merksemd i arbeidet med tilsyn- og godkjenning av skular og barnehagar. Avdelinga har fått henvendelsar frå fleire kommunar vedrørane inneklima og arbeid med fleire konkrete saker .

5.3 Hud og fotpleie, frisør, holtaking, piercing og tatovering

Kartlegging og oppfølging av verksemder som driv med holtaking/piercing, tatovering, hud og fotpleie, frisørar, samt solarier er eit kontinuerleg arbeid. Folkehelseavdelinga tok initiativet til å spore opp alle aktuelle verksemder i kommunane 2014 og 2016. Desse fekk tilsendt informasjon om melde- og godkjenningsplikta. Vi ser at denne informasjonen òg sprer seg til nye etablerarar, og at disse tek kontakt med avdelinga sjølv. Det er likevel ei utfordring å gjere krava kjent for verksemdene. Avdelinga har ikkje godkjent nye tatoveringsverksemder i 2018, men fylgt opp ei sak frå tidlegare. Dette arbeidet fortset i 2019. Folkehelseavdelinga har ivareteke kommunane sitt ansvar i høve å informere og skaffe oversikt over aktuelle verksemder som er omfatta av føreskrifta.

5.4 Badeanlegg, boblebad og badstu

Kravet om tilfredsstillande helsemessige og hygieniske forhold er heimla i Folkehelselova / LOV 2011-06-24 nr.29 og i Forskrift for badeanlegg, bassengbad og badstu m.v / FOR 1996-06-13nr.592.

Dette gjeld verksemder eller anlegg som er opne for offentlegheit og/eller utleige. Føreskrifta gjeld òg badstu sjølv om den ikkje er knytt til badeanlegg eller bassengbad.

Folkehelseavdelinga har fulgt opp alle anlegga ein har funne opplysningar om og som er omfatta av føreskrifta. Alle verksemdene har levert meldeskjema og har fått tilbakemeldingar vedrørande drifta si.

Eigar/drivar er blitt orienterte om vidare opplysningsplikt til tilsynsmynde om uforutsette forhold ved verksemda som kan medføre helsemessig risiko.

5.5 Radon

Avdelinga har bidrege med informasjon og rettleiing i høve handtering av radonutfordringar i enkeltkommunar.

Avdelinga har fulgt opp arbeidet med skular og barnehagar si dokumentasjonsplikt i høve radonnivået som ein del av godkjenninga etter føreskrift om miljøretta helsevern. Dei einingane som ikkje har slik dokumentasjon har fått pålegg om å måle radon. Radonutfordringar er generelt liten i vårt område, men nokre kommunar og områder har utfordringar der avbøtande tiltak må setjast i verk.

Avdelinga har avtale med Radonlab for levering av sporfilm for radonmåling til innbyggjarane i dei samarbeidande kommune. Avtalen inneber at kvar kommune årleg kan få tilsendt resultat av målingane. Dette er knytt til gards- og bruksnummer og vil såleis gje ei oversikt over geografiske radonutfordringane i kommunen. Alle 13 kommunane, som har vore og er i samarbeid med Folkehelseavdelinga, kan nytte seg av avtalen. Tilbodet gjeld alle, både private verksemder, private husstandard og kommunane. Kommunar og burettslag med større volum (over 10 sporfilmar) har fått noko betre prisar enn enkelthustandar.

5.6 Asylmottak

Asylmottak er meldepliktige verksemder etter føreskrift om miljøretta helsevern.

Flyktningssituasjonen i Norge og Europa har endra seg seinare år og fleire asylmottak er lagt ned. Vi har ikkje hatt tilsyn på asylmottak i 2018.

5.7 Forureining- og støy.

Folkehelseavdelinga bidreg med råd, rettleiing og eventuelle vedtak om retting vedrørande bygge- og anleggsstøy, støy frå tekniske installasjonar, bedrifter/industri, flystøy, fritids- og underholdningsstøy mm. Støysaker er ofte saker som har eit potensiale til å utvikle seg til konflikter mellom ulike interessegrupper, og gjerne med store konsekvenser og kostnader for kommunen, bedrifter eller einskildpartar. Tidleg informasjon og rettleiing i desse sakene vil styrke kommunen si saksbehandling, og er heimla som eit lovkrav.

Kommunane nyttar i større grad vår kompetanse i plansaker der mogleg forureining har vore vurdert. Avdelinga har behandla fleire støysaker i 2018. Henvendelsar kjem oftast frå innbyggjarar som klagar på støy frå næringsverksemd, hamner og industri.

Forureining

Folkehelseavdelinga er delegert mynde etter delar av lov om forureining og om avfall. Vi kan føre tilsyn med verksemder og gjev råd og rettleiing knytt til helseisikovurdering i høve:

- Drikkevassanlegg, kvalitet på badevatn, samt forhold i samband med utslepp og forureining av vatn og vassdrag.
- Skadedyrkontroll
- Overvaking og målerapportering av helse- og miljøskadelege gassar og svevestøv. Informasjon, råd og rettleiing om grenseverdier, problemområder, status, planar og utvikling for luftkvalitet.
- Hygieniske forhold ved dyrehald i tettbygd strøk
- Hygieniske forhold i samband med renovasjon og avfallshandtering, kontroll med forsøpling bl.a. bilvrak.

I tillegg kartlegging av forureining i jord og byggegrunn, behandling av tiltaksplanar ved terrenginngrep på forureina grunn i henhold til forureiningsførskrifta kapittel 2.

Folkehelseavdelinga har gjeve rettleiing til fleire kommunar om korleis forsøpling i og rundt private hus kan handterast. Det har òg vore gjennomført synfaring ved klager om rotter i bustadområde. Avdelinga har hatt informasjon om drikkevassføreskrifta for teknisk personale i ein kommune.

5.8 Solarier

Solarieverksemder er meldpliktige og Folkehelseavdelinga har tidlegare kartlagt solsenter og verksemder som tilbyr solarium i alle 13 kommunane. Det syner seg at mange ikkje er klar over melde- og godkjenningsplikta og avdelinga driv aktivt informasjonarbeid i høve dette. Folkehelseavdelinga sørgjer og for å vidareformidle informasjon frå Direktoratet for strålevern og atomsikkerhet (tidlegare Statens strålevern), og fyl opp tilsynskampanjar som vert initiert av desse. I 2017 gjennomførte avdelinga tilsyn ved eit utval av verksemdene etter innføring av nye krav (jf Strålevernforskriften) om system for alderskontroll og krav til gjennomføring av kompetanseprøve (Solarieprøven). Avdelinga har ikkje gjort tilsyn ved denne typen verksemder i 2018.

5.9 Kjøletårn etc, Legionella

Folkehelseavdelinga har ansvar for å halde oversikt og innhente opplysningar om alle meldepliktige verksemder i vårt område. Dette gjeld verksemder som direkte eller indirekte kan spreie legionellaforureina aerosol til omgjevnadane, utandørs eller innandørs etter "*Forskrift om miljørettet helsevern*" og "*Forebygging av legionellasmitte- en veiledning, 2012*". Det er gjort ei kartlegging av alle aktuelle verksemder og fulgt opp med informasjon om meldeplikt og krav om sertifisering hos eit akkreditert tilsynsorgan. Vi har fulgt opp ei verksemd i 2018.

5.10 Campingplassar

Campingplassar, vandreheimar og andre liknande verksemdar som tilbyr overnatting har meldeplikt til kommunen etter føreskrift om miljøretta helsevern.

Folkehelseavdelinga har tidlegare kartlagt 140 verksemdar i alle 13 kommunane. Det er ikkje arbeid på dette området i 2018.

6. Smittevern

Smittevern har vore ein vesentleg del av informasjons-/rettleiingsarbeidet i arbeid med badeanlegg, campingplassar, frisør, hud- og fotpleie, holtaking- og piercing, samt tatoveringsverksemdar. I oppfølgingsarbeidet etter godkjenning av skular og barnehagar har førebyggjande smittevern óg hatt vesentleg fokus.

Avdelinga får også mange spørsmål om ulike konkrete smittevernsaker både frå helsepersonell i kommunane og publikum som vert besvart.

Mal for kommunal smittevernplan er oppdatert og utvida fleire gonger i 2018. Malen er å finne på avdelinga si heimeside. Denne er tilpassa å kunne leggjast inn som deldokument til kommunane sine samla beredskapsplanar. Det er gjennomført møter i 7 kommunar i 2018 med informasjon. På nokre av møta har det og vore informasjon om planmalen og gjennomgang av kommunen sin smittevernplan med underdokument.

Kommunane er komne ulikt langt i oppdatering av sitt samla beredskapsplanverk. Det er viktig at smittevernplanen i den enkelte kommune vert integrert i samla planverk.

6.1 Tuberkulosekontrollprogram

Nasjonalt er det i løpet av 2018 fleire gonger gjort endringar i anbefalt tuberkuloseprogram for kommunane. Dette ut frå endringar i tilstrøyming av flyktningar og nye risikovurderingar.

Mal for tuberkulosekontrollprogram er difor i fleire rundar oppdatert med nye retningslinjer og linkar til sentrale prosedyrer på Folkehelseavdelinga sine heimesider. Tuberkulosekontrollprogrammet blir gjennomgått i møta med den einskilde kommune.

6.2 Pandemiplan

Det er ikkje gjort arbeid med oppdatering av pandemiplanar i 2018 då nasjonal rettleiar ikkje er komen. Det er grunn til å tru at dette kan gjerast i 2019.

7. Folkehelse/samfunnsmedisin

Folkehelseavdelinga skal hjelpe kommunane med arbeid på områder som kommunane prioriterer for felles satsing innan folkehelse/samfunnsmedisinsk rådgeving. Det kan innebere hjelp til å sette felles utfordringar på dagsorden og hjelpe

kommunane med tiltak knytt til dette. Det kan t.d. skje ved informasjon/kurs om typiske folkehelseiltak. Hjelp til arbeid med helseoversikt og påverknadsfaktorar er eit anna viktig satsingsområde. Arbeidet må knytast opp til kommunane sine overordna planer og prosedyrar

Folkehelseavdelinga ynskjer å auke kunnskapen i kommunane om fagfeltet og vårt arbeid og har i 2018 hatt nye orienteringsrundar med leiinga i alle kommunane. Felles rådmannsmøter er viktige arena for diskusjon om framdrift og satsingsområder i avdelinga og korleis arbeidet skal implementerast i kommunane. Det lukkast ikkje å få til møte med rådmenn på vårparten, det blei gjennomført eitt møte med rådmennene i oktober 2018.

Folkehelseavdelinga ved prosjektansvarleg har leia arbeidet med å utvikle ein mal for helseoversiktdokumentet som kan nyttast i alle kommunane. Malen vart ferdigstilt i 2015 og er revidert i 2017 og 2018.

Malen for helseoversiktdokumentet er tilgjengeleg på nettsida www.folkehelseoversikt.no.

Vi har tilbydd hjelp til dei kommunane som vil ha sine lokale helseoversiktdokument lagt tilgjengeleg på nettsida. Solund, Vågsøy, Jølster og Flora sine dokument er presentert her. Nettsida er tilgjengeleg for alle. Oppdatering av lenkene i felles mal fører til automatisk oppdatering av dei same lenkene i dei kommunespesifikke dokumenta. Dette er såleis svært arbeidsbesparande for kommunane.

Kommunane har ynskt at Folkehelseavdelinga fortsatt leier arbeidet med helseoversiktdokumentet. Det har vore noko mindre deltaking på nettverkssamlingane dei siste to åra enn i starten, og vi har sett oss nøydde til å avlyse møter grunna det. Vi hadde ei samling i 2018.

Kommuneleiinga har vore orientert om arbeidet med helseoversiktdokumentet.

Betydninga av å få dette implementert i kommunane sine styringssystem; planstrategi og samfunnsplan, årsplan og budsjett har vore presisert.

Samhandlingsbarometeret, som idag tilrettelegg for ein rekke indikatorar på folkehelse på: <https://statistikk.samhandlingsbarometeret.no>, skal forbetre si plattform ytterlegare. For å trygge kommunane sine interesser og behov har Folkehelseavdelinga delteke i dette arbeidet. Fylkesmannen har bidrege med midlar til arbeidet også i 2018.

Prosjektet med å lage gode system for å hente data til helseoversiktsarbeidet har utvikla seg i løpet av perioden. Kommunane har behov for å få samla analyserte og vurderte folkehelsedata ein stad. Dette vil lette arbeidet med oppdatering av helseoversiktdokumentet, samt kvalitetssikre data som skal nyttast i folkehelsearbeidet. Målgruppa for å kunne nytte seg av slike data har utvida seg frå dei 11 kommunane som Folkehelseavdelinga har ansvar for, til å omfatte alle kommunane i fylket. I tillegg til Helse Førde og Samhandlingsbarometeret har fleire samarbeidspartar kome til, ma Fylkesmannen, Sogn og Fjordane fylkeskommunen og Høgskulen på Vestlandet. I 2018 vart òg og Hordaland fylkeskommune kopla på.

Arbeidet med å finne løysingar pågår, men målet om å få samla folkehelsedata "ein stad", på ei plattform, er lagt på is til fylkeskommunane blir nye Vestland fylkeskommune i 2020. Dette skuldast dels mykje meirarbeid med

fylkessamanslåinga, ulike føresetnader som ikkje er avklart og at det ikkje har lukkast partane å bli einige om korleis dette skal løysast organisatorisk.

Våre erfaringar så langt er at arbeidet med både helseoversiktsdokumentet og folkehelsedata er omfattande og tek tid. Nokre kommunar har utfordringar med å få gode, tverrfaglege prosessar på både oversiktsarbeidet og det vidare arbeidet med folkehelse i plan. Vår intensjon er at det strategiske folkehelsearbeidet skal bli lettare, betre og meir kvalitetssikra. Det er eit mål at vi får rigga eit godt system for å hente kvalitetssikra folkehelsedata. Dette trur vi vil lette arbeidet med å revidere helseoversiktsdokumentet. Meir systematikk rundt dette arbeidet vil truleg òg bidra til at helseoversiktsdokumentet vert meir brukt i i det strategiske folkehelsearbeidet i kommunane. Vi ser òg at det er behov for at nokon "har tråden" i arbeidet, då det er krevande for den enkelte kommune å gjere arbeidet aleine. Vårt mål er at det i framtida vert laga gode system på folkehelsedata slik at det strategiske folkehelsearbeidet lokalt kan verte styrka.

Folkehelseavdelinga har òg hatt ein større revisjon av eige internkontrollsystem i 2018.

8. Plan for 2019

- Avklare kostnadsfordelinga i samband med kommunesamanslåingar frå 2020
- Ny tilsynsrunde på skular og barnehagar som hadde tilsyn i 2013 og 2014
- Gjennomføre tilsyn med treningssenter/treningslokaler
- Gjennomføre temadagar i alle kommunane knytt til tilsyna
- Ajourføre alle avvik på skule og barnehagar
- Hjelp med implementering av folkehelseutfordringar i kommunale planar.
- Fortsette samarbeidet om å få samla kunnskapsbaserte og vurderte folkehelsedata
- Vidare tilby hjelp til kommunane i arbeidet med helseoversiktdokumentet
- Vidareutvikle den nettbaserte sida www.folkehelseoversikt.no
- Oppfølging av det overordna smittevernarbeidet i kommunane